

山西和順縣志

和



詩集

靈濟宮聯古句贈寅長王君知陝州

奎光樓成集唐句

虎谷

題聖澤井

許狀元

分賑

清河泉

鄒獻卿久勞於事邑宰慰以前韻

李順昌 邑侯

王鳳雲 都御

石玠 提學副使

李順昌 邑侯

李繼元 邑侯

喬宇 尚書

吊王虎谷

李陽村

踏荒警寇時禱雨

過寒湖嶺有感

張大尹正儒名宦

黃榆古戍

前題次韻

八賦晚霞

前題次韻

趙思成 給事中

蘇宏祖 邑侯

楊崧 邑侯

王道行

周鉞 邑侯

劉順昌 知廳

周鉞

劉順昌

九京新月

前題 次韻

鳳臺異形

前題 次韻

風樞石鼓

前題 次韻

松子香風

前題 次韻

漳水環帶

周 鉞

劉順昌

周 鉞

劉順昌

周 鉞

劉順昌

周 鉞

劉順昌

周 鉞

前題次韻

雨洗麻衣

前題次韻

俚言贊麻衣道人

合山奇泉

前題

西溪靈井

前題次韻

前題次韻

劉順昌

周鉞

劉順昌

趙爾覲

王雲鳳

蘇宏祖

喬宇

胡淑寅  
邑人

趙漪  
貢生

前題次韻

西山踏荒有感次邑侯蘇公韻

丁亥三月三日遊山寺

其二

石鼓

過寒湖嶺有感

別邑中士民有序并詩

卸篆偶題有序

慰邑侯雷善卿先生丁外艱即以贈行

趙浚

趙漪

黃玉衡

前人

前人

前人

清鄭玉振邑令

清余光超邑令

清鞏對揚

重修雲龍山落成紀事

陳熙健 邑令

訪得石樓院藥太僕殉節井

魯變光 邑令

朝坡村訪農家九老內有百歲老翁

前人

前後虎峪村登山謁王尚書總憲二公墓

前人

九月重九謝雨人孟鳳樓登雲龍山

前人

重九日同趙蔚堂大令登麻衣雲龍諸山

前人

其二

前人

九月朔有五日偕胡星輔大令登雲龍山

前人

陪侍魯瑤仙堂台謝雨人參軍遊雲龍山率孟文福



錢楊春野卓薦入都詩

李枝茂  
江西永寧人

其二

前人

其三

前人

其四

前人

過寶帶橋入大明有感

楊曉昫

過蘭谿縣城十里泊山崖下有感

前人

三月三日偕友登雲龍山作

劉洪闢  
邑侯

九月中浣陪賴刺史華峰重游雲龍山之作

前人

其二

前人

其三

楊春野先生贊

前人

魏獻書

吟四景詩

楊廷采

謁王公祠

劉洪闢

庚戌重九偕孫通守緯生暨幕友任君載亭族兄寶琴作登高之游偶憇於此留題以誌

前人

其二

前人

過八賦嶺吟

郭海林

遊雲龍山吟

前人

遊雲龍山寺題

前人

餘城眺望

前人

風過石鼓

前人

遊雲龍山吟

張夔典

風過石鼓

前人

遊麻衣寺題

前人

遊雲龍山吟

王樹倫

頌大尹張友龍先生治榆善政題

郭海林

次郭瀛東先生原韻

王樹倫



靈濟宮聯古句贈寅長王君知陝州

中年苦作別况此平生遊儲瓘夜來愛明燭欲去且復留邵寶清

尊信奇物豁我萬古愁毛紀俯看春浪生沉沉一虛舟石瑤道人

地自靈風雨撼龍湫喬芳方春豈無贈柰此柳未抽何孟春冰雪釀

餘寒光生五城樓陳欽健馬當歷坂終為伯樂求宗英鈞未全試

奮激鬚如虬儲瓘嵩雲為君開條忽當軒流石瑤笑談擬周召坐

鎮東西州邵寶遺風續甘棠懷賢勿輕邱石瑤正途在伊洛吊古

且迴輶喬宇秋哀潼關戍凍恤閩鄉囚儲瓘律學漸可讀兵機慣

能籌喬宇誰言將送煩竚見疲瘡瘳石瑤興神動高咏響振山幽

幽邵寶吾生本懃直不識絃與鈞儲瓊望鹿者何人豈雪此顛羞

喬宇

壯哉烈士志難與俗子謀邵寶賦非湘水帛書待周南修儲瓊

放歌不能罷仰見星河浮陳欽一笑送君去天未生清秋毛紀

奎光樓成集唐句

李順昌 邑侯

樓臺橫紫極楊炯霖色蕩芳辰駱賓彩筆凝空遠神慧江花入興新

李嘉祐氣衝星漢表鄭愚文聚斗牛津顏真東閣邀才子劉長青雲

滿後塵杜甫

虎谷

王鳳雲 都御

深山草木稠結廬向虛敞盡日無人至禽鳥互來往讀書心力倦

手曳青藤杖出門何所之  
獨坐碧石上山頭白雲生  
我心自蕭爽  
田夫驅犢來喜道桑麻長

題聖澤井

石玠提學副使

洙泗淵源萬水東  
偶忻一脈在斯鍾  
井泉百尺常行地  
老樹千年欲化龍  
芹菴書暗香不斷  
宮牆春靜潤無窮  
余亦濫叨斯文寄  
補益全無半句功

許狀元

李順昌再見

大對元朝第一人  
存銜存姓何名湮  
或嘉書爵同胡筆  
還樂藏名抱楚珍  
元禮魏君合秘符  
靜修劉子問遙津  
清風經久彌芳烈

豈沒荒郊草莽臣

分賑 明神宗癸未歲予初任值本縣旱甚飢民流棄鄉井蒙上賑濟予分給四鄉民皆鼓舞喜而賦此

李繼元

山國炎炎久渴泉偶從分賑過東川  
閑花帶笑迎征輅飛鳥窺人下野田  
童叟歡呼霑化雨村墟爐爨喜生烟  
踟蹰思上流民賦媿戒難圖鄭使箋

清河泉

喬宇 尚書

萬斛明珠地湧泉茶經應載品通仙  
松蘿上映峰頭月蘭芷中涵沼內天  
興到臨流嗟逝者歌成呼酒愛陶然  
茲遊記取名錫處嘉靖時維亥紀年



鄒獻卿久勞於事邑宰慰以前韻

看山未已復觀泉  
父老爭誇客似仙  
簿領適逢多暇日  
風光剛及小春天  
早棲鸞枳非徒爾  
暫試牛刀信偶然  
海內知音能幾遇  
訂交吾亦愛忘年

弔王虎谷

趙忠誠

給事中

先生剛介震人寰  
未獲振衣覩鳳顏  
學政昭明秦日月  
文章吞吐晉河山  
天空咳嗽清孤鼠  
獄立風裁起懦頑  
幸有遺容千古在  
文光猶射觜參間

李陽村

蘇宏祖

邑侯

千秋尚有李陽村落日西風吊古魂  
毒手遂成逐鹿事老拳終怯  
漚麻盆深山何處龍鱗卧故壘  
蕭然燕雀存池上英雄今已去年  
年池水為誰喧

踏荒警寇時禱雨

楊 崧 邑侯

梁餘山北草如烟狡寇何來盡控弦  
不意堯封成虎穴那看飛將  
奮龍泉輪蹄驛路籌無策雲葉霏微  
祈有年憂國披衣中夜起長  
廊翹首祝蒼天

過寒湖嶺有感

王道行 邑侯

征途公役幾番來石路重重點翠苔  
野鳥翻翻依樹轉山花馥郁

向人開清溪最好消塵思佳木豈甘作樗材因憶十年窗下約蕭蕭孤劍且深杯

張大尹正儒名宦

君宰梁餘四十春梅鴉鷺羽步前塵臺城半識英雄氣山署全聞  
郎宿神瘞塵水湖鸞鳳集埋輪霜嶽虎狼馴風流郁烈鬚眉在俎  
豆蕭光萬古存

黃榆古戍

周 鉞 邑侯

山形秋色勢相宜自古乾坤險是奇怪石籠雲蹲虎豹枯松挂月  
走蛟螭一夫隘口身無敵匹馬峰頭力欲疲林藹野烟正愁絕行

人指點不須疑

前題次韻

劉順昌 邑侯

巖關千仞古今宜  
遙望黃榆分外奇  
老樹扶疎高燕雀  
殘碑磨滅隱龍螭  
秋風隕穉來偏早  
朝日升輪度每遲  
自此一夫能守險  
將軍何必過憂疑

八賦晚霞

周 鉞 邑侯

上黨東來翠嶺賒  
梁餘西去碧雲遮  
峻嶒石磴羊腸遠  
洶湧波濤鼉鼓過  
行處縱橫多鳥跡  
望中寂寞少人家  
夕陽殘照無今古  
孤鷺長空帶晚霞

前題次韻

劉順昌

八賦橫空路甚賒  
巒岏千丈半天遮  
懸崖鳥雀未由下  
峭壁藤蘿何處搯  
嶺底羊腸千萬徑  
關前蝸室兩三家  
衙齋久矣標堂額  
何用梁餘餐晚霞

九京新月

周鉞

吏隱長年泯宦情  
西風一笑出郊行  
忘機驅鳥沙邊卧  
跨竹兒童馬首迎  
路入九京游衍處  
人留千載古今名  
一鈎懸桂林梢月  
恰到巖城已報更

前題次韻

劉順昌

古人原自重交情  
文字叔譽從此行  
偶爾游觀樂未艾  
同心言笑

利川縣志 卷之十一  
喜相迎可憐設辨九京上徒有知人二字名新月年年照野聲如  
何人物幾遷更

鳳臺異形

周 鉞

疊嶂迴蠻漳水湄崇岡一似鳳來儀風松乍作簫韶奏露草還吟  
萋葦詩天半朱霞增壯采雲扶旭日望中移臨印舊有求鳳操西  
去長天不可思

前題次韻

劉順昌

高臺漠漠落漳涓萬丈流霞壯羽儀六象平鋪堪繪譜九苞輝映  
可題詩河東應運誰為主冀北朝陽老不移丹詔時同紅日近凌空

一望發深思

潭水環帶

周鉞

百雉孤城開兩洲南溪北澗樞東流三門作品題清議二水成人  
泛白鷗向晚雲收涵兔影入寒潦盡見龍湫危橋跨處堪圖畫高  
咏滄浪興未休

前題次韻

劉順昌

不信人間有十洲今逢雙澗水交流陰山浪捲疑翔鷲猴嶺濤飛  
起宿鷗前輩文章推虎谷環城襟帶賴龍湫臨河欲展濯纓志極  
目南池奮翼修

風樾石鼓

周 鉞

幾度曾經此嶺過一規石鼓委山阿  
琢磨或類宣王制吟咏誰磨  
韓子歌路險力疲頻駐馬雨多溪漲怯  
浚波懸崖隱約風姨手水  
底填填夜擊鼉

前題次韻

劉順昌

石鼓曾經目擊過如何零落在山阿  
規模是否符型範文字有無  
足嘯歌殊異岐陽太狩碣豈同雪浪小文波  
山中疑有妖蛟舞代  
爾如過水底鼉

松子香風

周 鉞



萬壑千巖一夜霜  
晚看雲樹兩蒼蒼  
懸崖老幹虬龍霧  
偃蓋新枝鳳鳥翔  
有約不逢黃石履  
無緣可到赤松鄉  
乘風度嶺蕭蕭起  
松子吹來桂子香

前題次韻

劉順昌

何年藝種飽經霜  
老幹虬枝氣色蒼  
日為蓋遮常叱馭  
鳥因濤拂幾迴翔  
青青陰傲寒冬歲  
諛諛風迴醉夢鄉  
况有後彫持晚節  
應同柏子噴天香

雨洗麻衣

周鉞

神僧此地事精修  
宋祖當年誓過劉  
金甲拋來無卧榻  
麻衣着去

不迴頭北安香火虛千載南度衣冠闕一邱  
雨後登陴頻悵望極天芳草正悠悠

前題次韻

劉順昌

廓外招提山徑脩天台此日又逢劉人知  
麻敝衣藏約誰信雨過石點頭和尚燈傳  
存古衲寺門雲鎖即丹邱曾聞宋祖勤祈  
祝赫濯如何久且悠

俚言贊麻衣道人

趙爾覲

綴補麻衣耐歲寒千章喬木與禪安  
祇因郊國幾斤盡怪得仙人破塔看

合山奇泉

王雲鳳 再見

四月清和雨霽時未携父老拜神祠四月四日懿濟聖母誕辰故云簷前燕雀多

新壘橋畔松楸只故枝環抱東西南壁合週迴三十六峰奇靈泉

兀突經今古旋渴旋流誰使為

前題

蘇宏祖 再見

四月無雪鬱蒼蒼林水悠然自一方地老龍蛇纏石筍月明笙鶴  
過滄浪雲林忽作千家棟靈澤還滋九畹香縹緲三山人不見醉  
携騷雅嘯芳房

西溪靈井

喬宇 再見

千仞靈源鬼鑿開，真從一竅洩胚胎。  
蛟龍石底能潛見，雲雨寰中任往來。  
地界遠分梁子國，山形高枕趙王臺。  
西溪勝跡堪留詠，徙倚蒼松坐碧苔。

前題次韻

胡淑寅  
推邑官人

一望巉巖萬壑開，西山爽氣抱龍胎。  
泉飛壺澗松聲合，雲暗荒城雨色來。  
六月長天猶縱酒，七年此日復登台。  
石龕空寂靈芝冷，獨對殘碑吊綠苔。

前題次韻

趙漪  
貢生

步入幽谿巨壑開，寒泉石底瀉靈胎。  
潭空時見閒雲起，亭敞頻邀

爽氣來由燈斜通松下路輕霞高鎖嶺遙臺前賢題句藤蘿隱我  
為前賢拂碧苔

前題次韻

趙浚

曲曲幽幽小徑開龍潛深窟浴靈胎氣噓霧湧山環點珠吐泉飛  
雨細未佳詠常留三絕字霸功止見九層台當年墨跡風吹散澗  
壑增顏長綠苔

西山踏蝗有感次邑侯蘇公韻

趙漪 邑人

山原無復草青芊極目垂涕總石田苗湧飛蝗時作隙空倉懸磬  
日如年秋未不獲瞻雙穗歲盡誰輸供俸錢憤籲彼蒼何不吊嗷

嗷鴻雁倩誰憐

丁亥三月五日遊山寺

黃玉衡 邑侯

複嶺崇崗殿一巒松風三月倍增寒峰高似削仙人掌寺古猶懸  
道士冠望去好山環繡幙行來佳氣襲芳蘭山僧不下晴和雨惟  
問香岩濕也乾

山頂有三岩將雨則滴水

其二

清淨桑門望若懸雲烟縹緲洞中天千尋砌石窺標立幾處喬松  
抱佛眠過眼春秋僧有待留人風月吏無緣超然迥出人間世勝  
讀南華第四篇

石鼓

和州縣志 卷十一  
誰來考擊事山中一石天然鼓製同  
雨過苔生釘隱隱風鳴谷應  
響逢逢規模不異周宣舊雕琢  
猶存魯匠工故是凡夫過不得傳  
奇因說蜀魚桐

過寒湖嶺有感

高低山路踏晴沙一水盈盈帶徑斜  
萬壑烟光秋入畫滿林霜葉  
麗於花羴羊牧慣邨多畜樵斧聲  
喧地不譁我為勤民經遠役寒  
湖行處問庄家

丁亥歲秋八月念八日賦

別邑中士民有序

鄭玉振 邑令

嘉慶元年余以進士謁選得晉之梁餘逾一載二年冬奉



使於潼關蒙犯霧露偶得探薪三年春以疾告拙邑紳耆聞知  
環署挽留情詞切至因為收回告章密令馳遞既得請却篆  
五里士民後至者復皇然傳告率十百人赴會垣請於大憲  
乞於在治養痾比聞憲批該令求例不合衆悒悒而歸余承  
乏茲邑為日不多且無善治乃臨行父老攀留如以余自問  
不知何由言之不增余愧乎然戀戀之情終不可沒因作是  
詩以誌別

捧檄向梁榆濫竽歲已暮政暇頻問俗早知邑僻疲茲邑大行巔  
逕側少通遠黃壤雜沙石播植多非宜人烟亦寥落羅布異星棋

所賴在生全曰惟富教之而余企此訓學拙未能施尚恐負國家  
素餐位空尸注醵緬皇華於役西秦陞歸途冒星露偶傷蒲柳姿  
胸懷不自得治理荒於嬉及茲歲已晚遠賦歸來辭升沉纔欲發  
士庶趨墀墀謂余病勿藥敢請緩斯須其令諄且至盈路動嗟咨  
余亦感此意哽咽涕幾垂勉爾收去檄緝史載星馳上官余我請  
許我臨田期胡為彼耆老緬念終相追傳語赴并境十百紛相隨  
重趼三百里夜光忘晨炊皇然告太憲蘄遂挽留私憲德隆山岳  
非不允所為吁嗟此邦民念我情何癡而余問寸心得失豈不知  
邠留一湖水為汝救年饑得此牽我伍如彼借新時行行重余念回首

漳水酒枯腸攬浮語留以知我思

卸篆偶題有序

予乙丑釋褐蒞和三載迂疏寡效而于役甘蘭襄事棘院僕  
僕者迄無寧歲今秋以憂去迴思往事彌滋慙悚也要紀一  
絕以誌余過

三年為政事迂疏况值奔馳力未舒今日岸魚徒泣血憑何報績  
達宸居

慰邑侯雷竹卿先生丁外艱即以贈行

清  
鞏對揚

行山涉嶽望燕山千里勞人夢早還易簣未能聞治命招魂空自

想慈顏者英預會思溫洛作述多才識馬班借寇無從難挽駕漳  
流嗚咽響潺湲

哀訃驚聞動邇遐星騎箕尾駐雲車立三不朽詒謀遠膺九重封  
寵賚加遂有勲名傳國史緣多政績翊王家丁艱奪我賢侯去霜  
冷榆城一縣花

重修雲龍山落成紀事

邑令 陳熙健

躡屐幾回凌絕頂遠瞻近矚總清虛雲烟杳靄天無際城郭參差  
畫不如四面暮山新雨後一停殘照晚霞初停琴待看松梢月月  
色黃昏透綺疏

萬樹濃陰望不分，小軒幽敞對斜曛。  
濤聲散作千峰雨，黛色堆成半嶺雲。  
颯颯音隨流水聽，騷騷韻借晚風聞。  
眠琴更有天然趣，拂地清蒼掃俗氛。

野徑天斜乍可行，石溪流水小橋橫。  
巖花艷艷迎人笑，澗草萋萋夾岸生。  
望去雲山皆秀淨，坐來亭閣亦空明。  
慙予自謫風塵後，隔著蓬萊幾萬程。

紫牘勞形百感縈，得閒每作看山行。  
松花滿地僧房靜，香露迷空佛舍精。  
不受塵埃侵半點，自然心跡喜雙清。  
何時重載凌雲酒，風月無邊更適情。

雲根一脉瀉涓涓新汲山房手自煎  
 火藝松花烟篆細茶烹石乳  
 水珠圓香生齒頰清於露冷沁詩脾  
 妙欲仙最是酒醒眠熟後不  
 須七碗已陶然

訪得石樓院藥太僕殉節井

魯燮光 邑令

大節光泉壤滄桑事莫論先生真不死  
 古井此長存波咽羨宏血  
 石銜精衛魂夕陽蔬圃裏誰認舊啼痕  
井在張姓廢圃中幾不可踪跡

朝坡村訪農家九老

內有百歲老翁

都是童顏鶴髮翁朝坡九老話年豐  
 百齡天假緣非偶五福疇先  
 典特崇自有田家風景樂不須朝籍  
 姓名通從今亦被君恩渥人

瑞齊開壽域同

前後虎峪村登山謁王尚書總憲二公墓

魯燮光

松風謾謾墓門清前後村傳虎谷名棹楔褒題賢父子衣冠懷接  
古公卿事賢轉眼居邦晚論世彌深尚友情泉壤有靈應匡我  
要爭氣節到先生

九月重山謝雨人益鳳樓登雲龍山

魯燮光

預作登高會同人出郭游官閒民事樂地僻梵天幽古洞瀉寒深  
雲山入莫秋題名借謝孟少憩亦風流

門王雲鳳峭壁題  
各擬詩記遊於後

重九日同趙蔚堂大令登麻衣  
雲龍諸山小飲

魯燮光

西溪探勝境東道話前緣  
結伴客常到登高吏亦然  
會逢重九日小飲洞中天  
松翠落尊酒詩成醉欲眠

其二

才謁麻衣寺來尋玉礧橋  
麈襟容水浣逸興比雲超  
夕影澹山色濤聲詐暮潮  
同儕商晚節珍重歲寒凋

九月朔有五日偕胡星輔大令登雲龍山

魯燮光

重九登高先四日叨陪知己作清游  
漫空雲影澹無際寒動松濤  
翠半浮虎谷流風人地古龍潭欲雨暮天秋  
煮茶掃石閒題品細認歸途月上鉤



陪侍魯瑤仙堂臺謝兩人參軍遊雲龍山率和 孟文福  
難得群賢集登高紀勝遊連山雲氣滃古洞水聲幽葉落秋風老  
台荒舊蹟留喜賡流水調餘響送溪流

餞楊春野卓薦入都詩

李枝茂 江西永寧人

仙鳧何幸駐山城小試烹鮮亦播名果是循良邀帝眷卻從遺愛  
著官聲懸魚性合羊君潔宰肉心如漢相平聖代即今宏考績惟  
公端不愧廉明

其二

前人

曾自蓬山頂上來甘棠到處總花開雉馴已報三年最驥展原非

百里才製錦何人量玉尺彈冠指日上金臺慚余叨忝諸生列一  
曲驪歌酒一杯

其三

慈君五載飲廉泉遮莫焚香夜告天鳴到琴聲清吏竇分將鶴俸  
惠書田漫憐遠道三秋別尚覺虛堂一鏡懸長短亭邊爭作餞聽  
時只道宰官賢

其四

宦橐無贏莫浪誇蕭蕭行李上公車征帆鴈影秋風急驛路蟬聲  
夕照斜捧日有心翻戀闕尋春乘興便還家預知潘令歸來候開

編河陽滿縣花

過賢帶橋入太明有感

楊曉吟

白蘋紅蓼水天秋萬頃波光一葉舟  
心定不知風順逆盞開蘭棹  
放中流

過蘭谿縣城十里泊山崖下有感

前人

斷岸楓林寂霜花冷釣石孤舟明月夜  
有客話蓬窗

三月三日偕友登雲龍山作

劉洪闢

字洪闢  
小蘇江  
人邑侯

自我葺斯邑條驚五月促報政  
慚未能遑敢聘游目終日吏舍拘  
採筆理繁牘抖擻襟上塵  
盈盈將十斛傍城有名山  
龍盤勢高矗

擁翠對衙齋終日看不足久欲躡屐登高繼謝公躅有約遲復遲  
無計假休沐暮春天氣融勸耕東郊逐乘興一登臨足音足空谷  
佳節值重三同人約五六望望停鳴鞭茶煎酒正熟玉壺手自携  
春泛杯搖綠即此快流觴何必曲江曲一醉萬象忘高瞻兼遠矚  
古剎倚峰腰虹橋亘山腹亭短復亭長松際露白屋不見雷音台  
恒古情誰屬俯瞰三里城隱隱居林麓澗底鳥時鳴壁間詩細讀  
飲馬繫橋梁息樹倦童僕山深天氣寒尚未成春服解帶振衣襟  
今日覺微煥源泉清冷冷我欲效沂浴一井大如拳瀾迴潛流伏  
潤物普恩賞請為斯民祝調水取薪符我客真玉局老松千萬株

之而鱗簇簇風來起濤聲恍惚聞絲竹小憩偏亭台孤懷增感觸  
故山多白雲清絕堪避俗安得買山貲歸去繫松菊一官欲絆人  
五斗慚竊祿大笑下崗來催詩忙刻燭

九月中浣陪賴刺史華峰重游龍山之作 前人

龍山佳氣鬱葱葱彌望青蒼透碧空萬樹種松三面翠一橋架石  
兩崖通雲行澤徧敷霖雨酒載人宜醉晚風感我勞勞亭畔客嵐  
光靜挹浣詩筒

其二

豈是吳山第一峰居然立馬得從容岡分左右中通澗亭列東西

半倚松俯視城垣臨下界愛尋靈井證仙踪憑陵莫謂高無際路  
隔蓬萊尚幾重

其三

前人

幸陪騶從入山游三里城西曲徑幽拂石留心看舊句煎茶隨意  
品清流雲開蘚壁塵氛淨日照松亭晚翠浮辜負當頭明月夕合  
將佳會補中秋

楊春野先生贊

魏獻書

惟公之生邁跡循良惟公之死擔荷綱常公嘗有言死亦何妨驚  
水螺山棲靈有方忠肝義膽日月爭光斯言既踐而又何藉乎骸

骨存亡

吟四景詩

楊廷采

春風花草香遊賞過池塘  
踏花歸去馬蹄忙  
邀嘉客醉壺觴一曲  
滿庭芳

首夏正清和魚戲動新荷  
西湖十景好烟波銀浪裏  
織金梭人唱  
採蓮歌

秋景入郊墟簡編可卷舒  
十年讀盡五車書  
出白屋步銀渠  
潭潭  
府中居

冬嶺秀孤松六出舞迴風  
鳥雀爭棲飛上桐  
梅影瘦月朦朧  
人在

廣寒宮

謁王公祠

劉洪闢

扶輿佳氣鬱太行篤生偉人應瑞昌氣節直將鏢千古聲名詎止  
震八荒餘韻流風遠彌著精靈烜燿古祠堂春秋不斷四時藻朔  
望虔薰一瓣香我未分符宇茲土循例致祭慄趨踰俯拜遺像瞻  
靈爽彷彿質上臨在傍祭畢廣文陪座右後裔玉汝前任  
臨汾襄陵儒學明德後  
裔達人望手持象笏席前獻拂拭至今騰精光寶器傳家尊彝鼎  
博殺合度式圭璋想見立朝垂紳際君前指畫氣激昂聞昔魏墓  
陳祖笏文貞遺意比甘棠物因人重古如此撫摩曷罄心寫藏考



公通藉當成化朝陽鳴鳳聲在岡羸職京鄉性耿介遮莫郎署滯

馮唐權勢要津恥干謁過門不入笑何妨公為京卿久不調所知諷往謁執政且趣之行

公過門仍不入當時奄宦正肆虐劉瑾好賄勢獷狃硜硜任譏晉人吝瑾

賄公獨無所餽瑾嘗語人曰世言山西人吝果然矯矯自持君子強文清誼不謁王振如

公風節並頡頑渥承帝眷隆心簡天曹四署偉烈彰弓冶箕裘世

濟美三鳳河東令名揚公子雲鳳官至總憲梁灝父子兼科第廬

陵道德能文章有虎谷集行世砥節抗疏昭骨鯁清簡輝映永流芳一封

朝秦夕下獄權閹凶談邾可當嘗上疏乞斬宦李廣為所傾陷下獄朝臣申救蹶

復振政績彪炳垂旂常先後宦成骸骨乞歸來槩澗肆徇佯虎峪

口頤錄志 卷十下詩 十九

距城數十里道是先生游釣鄉幾回式閭深仰止清風山高水且  
長大雅慨今久不作人物此邦凋謝傷願祝公靈默佑啟豪俊代  
出護梓桑居邦事賢恨生晚余心嚮往何日忘

庚戌重九偕孫通守絳生暨幕友任君載亭族兄寶琴  
作登高之游偶憇於此留題以誌

前人

重陽佳節此登臺城北山頭策馬未勝境麻衣經雨洗晚香黃菊  
傲霜開萸簪異地偕兄弟石拂殘碑別蘚苔遐舉莫忘高處險倦  
還一醉發新醅

其二

前人

孫登一嘯喜相遭秋圃家聲相國高  
孫為前相國文正公同族  
爪印征鴻看歷

歷巢辭遍燕感勞勞兒輩於月繫匏瓜及期誰代去志然矣浩送酒人

稀興自豪別有口號斷句云莫怪無人將酒送麻衣山上白衣稀心緒亂峯攢簇簇良辰強

屬字題糕

過八賦嶺吟

郭海林

棒檄曾從八賦過征途迂曲傍山阿懸崖萬丈人蹤少古樹千叢  
鳥語多寂寞石闕凌絕頂縱橫澗水激清波著鞭快出崎嶇路行  
到榆城奏雅歌

遊雲龍山吟

前人

步入雲龍望眼開青山搖我幾回來橋名玉澗橫流水泉湧珠跳

點翠苔四面嵐光環古寺半林霞彩鎖荒台詩情到此真無限題  
壁深慚俚句裁

遊雲龍山寺題

前人

登山尋寺入雲龍石磴盤旋歷幾重遙望巖花含笑意偶臨佛舍  
憇遊蹤千年碑碣名人記數座亭台秀氣鍾憑眺不知天色晚一  
輪明月照青松

榆城眺望

前人

百雉城頭長葢苔登臨恰值曙光開三門峻峭依山廠兩水滌洄  
拖郭來采食尚傳梁子界地基遙接趙王台當年賢宰知多少愧

我自非治賦才

風過石鼓

前人

俗傳石鼓韻逢逢不事人  
過只借風彷彿周宣奇異制  
依稀魯匠琢磨工鳴來全賴吹  
噓力響處漫施繫拊功可是山花  
催早放餘音繚繞滿林中

遊雲龍山吟

張夔典

案牘餘閒乘興遊雲龍山上  
暫勾留千層螺黛盤晴嶺萬壑  
松聲帶雨秋無限烟霞舒醉眼  
多情花鳥賞吟眸此間好景堪  
圖繪携到衙齋看不休

風過石鼓

前人

一石玲瓏作鼓鳴，每因風至聽分明。  
依山孰使淵淵奏，應谷還須習習生。  
文字有無符鳥篆，聲音髣髴繫龍更。  
天生神物憑誰賞，歌詠願希韓子賡。

遊麻衣寺題

前人

入山尋寺訪麻衣，修煉名成古亦稀。  
談道明君無片土，燃燈和尚有餘輝。  
化身常把招提伴，避谷知留姓氏非。  
香火年年傳盛祀，每覩殘碑惜斜暉。

遊雲龍山吟

王樹倫

躡屐登山訪古蹤，寺門遶望白雲封。  
花依巖笑迎遊客，鳥為濤驚噪碧松。  
僧舍佛龕空寂寂，層巒疊嶂秀重重。  
興來更欲寒湖去，指顧斜陽掛晚峰。

頌大尹張友龍先生治榆善政題

郭海林

先生政略冠山西，小試榆城喻割雞。  
閱閭家聲宣化在，循良名譽太行齊。  
五刑措置文明協，四字褒嘉匾額題。  
每值公餘談治理，同僚才薄肯提携。

次郭瀛東先生原韻

王樹倫

新政林立仿秦西，和平不驚犬與鷄。  
汾陽閭閻唐詩頌，晉鄙聲名

漢吏齊武健除強狂斂迹文明染翰士爭題同寅共濟梁餘福滿  
縣黎元賴提携